

INFO

preziai geniturs

caras scolaras, cars scolaras

treis jamnas ein vargadas dapi la decisiun da serrar las scolas pervia dalla derasaziun dil virus corona, e l'emprema jamna d'instrucziun sin distanza ei historia.

sco quei ch'jeu vesel ed audel funcziunescha l'instrucziun sin distanza stupent. jeu hai udiu biars fetg buns resuns. che quei gartegia secapescha buca da sesez, ed ei d'attribuir denter auter al bien spért da collaboraziun, alla cunscienziusadad, alla promptadad da s'engaschar dad in e scadin da vus scolaras e scolaras, da vus geniturs, digl ambient familiar, dallas persunas d'instrucziun. in grond compliment ed engraziel fetg persuenter!

quei ch'ei gartegiau bein quest'jamna prendein nus vinavon. quei ch'ei d'optimar duei vegnir optimau. vos resuns ein d'impurtonza, e flessegian ella preparaziun dall'jamna proxima.

la conferenza svizra dils directurs cantunals dall'educaziun publica (CDEP) ha relaschau ier, ils 02.04.2020, differentes principis e differentas mesiras pils singuls secturs da formaziun. sefundond sin quels ha il departament d'educaziun, cultura e protecziun digl ambient (DECA) relaschau differentas regulaziuns pertuccont vacanzas, attestats e survigilonza ch'ei valeivlas pil cantun grischun, numnadamein: - igl onn da scola 2019/20 vegn renconuschiu el cantun grischun sco onn da scola cumplein. quei vala independentamein dil cuoz dalla situaziun actuala cull'instrucziun sin distanza.

- ils plans da scola e da vacanzas dils purtaders dallas scolettas, dallas scolas primaras, dil scalem superiu restan valeivels era vinavon. las vacanzas han liug tenor plan, vegnan pia buca duvradas per instrucziun.

- era pigl onn da scola 2019/20 vegn dau attestat. il fatg che l'instrucziun ei vegnida menada per ina part digl onn da scola pervia dalla pandemia da corona sco instrucziun sin distanza vegn remarcau egl attestat.

- la purschida da survigilonza vegn mantenida era duront las vacanzas da primavera. ei vala sco tochen dacheu: gliendisdis tochen venderdis 07:30-18:00, il gentar ei da purtar sez en scola, l'annunzia sto succeder entochen la sonda precedentia allas 12:00 indicond il motiv daco che ina survigilonza privata ei buca pusseivla.

per damondas stun jeu ni las pdi da classa fetg bugen a disposiziun.

da cor giavischel jeu ina biala fin d'jamna, buna sanadad, e l'otra jamna buna continuaziun dall'instrucziun sin distanza.

salid cordial, francestg friberg